



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

Komunikadu Imprensa

16 Setembru 2013

Kestaun fiskalizaun no alterasaun Lei Pesaun Vitalísia sai preokupasaun husi comunidade durante treinamentu kona-ba demokrasia no prosesu halo lei iha Suku Nipane-Oecusse

Iha 12 Setembru 2013, Unidade Programa Observasaun Parlamentár (POP) JSMP kontinua hala'ó treinamentu ba comunidade iha Suku Nipane, Sub-Distritu Pante Makasar, Distritu Oe-Cusse. Treinamentu ne'e diskuti kona-ba demokrasia, prosesu halo lei no kna'ar orgaun soberanu sira nian.

Total partisipante hamutuk ema nain 30 kompostu husi feto ema nain 5 no mane ema nain 25. Partisipantes sira mai husi husi estrutura suku, representante grupu feto, estudante, joventude feto no mane inklui comunidade sira.

“Atividade treinamentu ne'e hanesan atividade kontinuasaun husi JSMP, liu-liu atu hasa'e koñesimentu comunidade nian kona-ba demokrasia, prosesu halo lei inklui fo informasaun jerál kona-ba kna'ar prinsipál órgaun soberanu Estadu Timor-Leste nian,” dehan Diretór Ezekutivu JSMP Luis de Oliveira Sampaio.

Xefi Suku Nipane, Anselmo Colo, lori comunidade sira nia naran agreedese ba JSMP tanba bele fahe informasaun importante sira ne'e iha sira nia suku nune'e, bele aumenta tan koñesimentu comunidade nian kona-ba servisu órgaun soberanu estadu nian iha Timor Leste.

Treinamentu ne'e, hetan antusiasmu husi partisipante sira no rekomenda ba JSMP atu bele hato'o sira nia ejizensia ba Parlamentu Nasionál (PN). Sira husu ba PN atu halo fiskalizaun too iha sira nia aldeia no suku hodi hatene sira nia difikuldades moris lor-loron nian inklui ejize ba parlamentu atu bele altera lalais Lei Pensaun Vitalísia tuir promesa ne'ebé sira halo durante kampaña partidu polítika ba elisaun jerál

Treinamentu ne'e remata ho fahe manual treinamentu ba partisipante sira hodi distribui tutan ba comunidade sira seluk ne'ebé la partisipa. JSMP mos informa ba partisipante sira katak, iha 10 Outobru 2013 JSMP sei realiza Semináriu Nasionál iha Dili hodi konvida fila fali representantes suku atu hasoru malu ho deputadu sira.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl